

Á CONSELLARÍA DE CULTURA, EDUCACIÓN E ORDENACIÓN UNIVERSITARIA

Edificio administrativo San Caetano, s/n
15771 Santiago de Compostela

INDEMNIZACIÓNS AO PERSOAL LABORAL E FUNCIONARIO DA ADMINISTRACIÓN XERAL DESTINADO EN CENTROS DE ENSINO NOS QUE SE IMPARTEN ACCIÓNS FORMATIVAS PARA PERSOAS DESEMPREGADAS

Fernando García Fernández, con NIF 35304555S, con enderezo válido para os efectos de notificacións no enderezo indicado na cabeceira deste escrito e, alternativamente, na dirección de correo electrónico autonomica@cigadmon.org, secretario nacional da CIG-Autónoma, en nome e representación desta organización sindical,

EXPOÑO:

1º Que o 10 de xaneiro de 2014 publicouse no DOG a *Orde de 23 de decembro de 2013 da Consellaría de Traballo e Benestar, pola que se establecen as bases reguladoras e se procede á convocatoria pública para a programación de accións formativas dirixidas prioritariamente ás persoas traballadoras desempregadas na Comunidade Autónoma de Galicia correspondente ao exercicio de 2014.* (AFD).

2º Que esta central sindical está a recibir queixas de persoal da Administración xeral destinado en centros de ensino de Educación nos que se imparten os referidos cursos de AFD.

O motivo destas queixas é que o persoal de Administración xeral, a pesar de que colabora nas tarefas auxiliares necesarias para a impartición destas accións formativas, alleas á Consellaría de Educación, Cultura e O.U., está excluído na práctica do reparto dos fondos que a Consellaría de Traballo e Benestar destina ao centros, e que se distribúen exclusivamente entre persoal docente e equipos directivos.

3º Que o artigo 30 da Orde do 23 de decembro de 2013, na enumeración dos custos subvencionables cos fondos destinados a estas accións formativas, contempla a inclusión do "persoal de apoio" :

I. Custos asociados:

1. Custos de persoal de apoio: os custo de persoal de apoio tanto interno como externo e todos os necesarios para a xestión e execución da actividade formativa. Inclúense neste concepto os gastos de persoal directivo e administrativo estritamente necesarios para a preparación, xestión e execución da acción formativa. En particular, os gastos de selección de alumnado, os derivados da realización de informes de contabilidade e auditoría, cando o dito informe non sexa preceptivo para a entidade beneficiaria.

Xa que logo, desde esta central sindical, por virtude da norma citada, consideramos que os centros de ensino dependentes da Consellaría de Cultura, Educación e O.U. deberían incluír como custo subvencionable o persoal da Administración xeral que desenvolve tarefas de apoio para estes cursos: entre outras, a xestión das matrículas, a atención ao alumnado, ou a realización de fotocopias.

Por outro lado, constatamos que a práctica das direccións dos centros é presumir que o persoal laboral e funcionario da Administración xeral debe colaborar sen recibir ningún tipo de

compensación cunha actividade allea ao centro, para a que este recibe uns fondos específicos, asumidos pola Consellería de Traballo e Benestar. En contraste, o persoal docente destinado nos centros onde se imparten cursos AFD incríbese en listas de carácter voluntario para constar como persoal colaborador nos mesmos.

Esta práctica das direccións dos centros, por último, contrasta co disposto no Decreto 144/2001, do 7 de xuño, sobre indemnizacións por razón do servizo ao persoal con destino na Administración autonómica de Galicia, en cuxo artigo 26 bis, na redacción dada polo Decreto 96/2011, do 5 de maio, estipula o dereito do persoal funcionario e laboral da Administración xeral a recibiren indemnizacións en caso de colaboración con tribunais de selección de persoal docente en razón de que, ao igual que os cursos de AFD, se trata de actividades alleas ao centro.

E por iso, **SOLICITO:**

1º Que se diten as instrucións precisas para que sexa incluído como destinatario dos fondos destinados aos centros de ensino para a realización de accións formativas para persoas desempregadas da C. de Traballo e Benestar (AFD) todo o persoal laboral e funcionario da Administración xeral que preste servizos de apoio derivados das mesmas.

2º Que a colaboración do persoal da Administración xeral en actividades alleas aos centros como é o caso das accións AFD sexa de carácter voluntario, nas mesmas condicións que as establecidas para o persoal docente.

Santiago de Compostela, 2 de maio de 2014
O secretario nacional da CIG-Autonómica

Fernando García Fernández